



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **UP-1/21-3-40-573-9/23**

Datum: **14.05.2024. godine**

«Agencija za vodno područje rijeke Save» Sarajevo rješavajući po zahtjevu pravnog lica «BEŠLIĆ» d.o.o. Visoko za donošenje rješenja o vodnoj dozvoli za ispuštanje tehnoloških otpadnih voda u prirodni recipijent i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta klaonice sa pratećim sadržajima u naselju Perin Han, grad Zenica, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o vodnoj dozvoli**

1. Pravnom licu «BEŠLIĆ» d.o.o. Visoko daje se vodna dozvola za ispuštanje tehnoloških otpadnih voda u prirodni recipijent i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta klaonice sa pratećim sadržajima u naselju Perin Han, izgrađenog na zemljištu označenom kao k.č. broj: 2285/4 i 2285/2 K.O. Klopče, grad Zenica.
2. Ova vodna dozvola se odnosi isključivo za ispuštanje tehnoloških otpadnih voda u prirodni recipijent i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta definisanog tačkom 1. ovog Rješenja i ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarno-fekalnih otpadnih voda, a za čije izdavanje je nadležno Ministarstvo za poljoprivredu, šumarstvo i vodoprivredu Zeničko-dobojskog kantona ili općina.
3. Vodna dozvola se daje na osnovu pregleda dostavljene dokumentacije, uviđaja na objektu, utvrđenog činjeničnog stanja i uz sljedeće uslove:
 - 3.1. Da se upotreba i korištenje predmetnog objekta vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 3.2. Da se, u skladu sa dostavljenim dinamičkim planom ovjerenim i potpisanim od strane odgovornog lica podnosioca zahtjeva, a koji je sastavni dio ovog Rješenja, do 30.06.2026. godine završe radovi na izgradnji sistema za prikupljanje i tretman otpadnih voda sa platoa, izvrši razdvajanje fekalne i tehnološke kanalizacije od oborinske kanalizacije, te ugradnja revizionih okana i kanalizacionih cijevi, a sve prema urađenoj investiciono-tehničkoj dokumentaciji „Glavni projekat – vanjske hidroinstalacije za izvedeno stanje sa dopunom broj: 46-IB-G/19, juni 2019, urađen od «IBIS» d.o.o. Zavidovići“, kako slijedi:

R. broj	Naziv aktivnosti	Finansijska procjena za realizaciju aktivnosti (KM)	Rok za realizaciju aktivnosti
1	Kanalizacija (odvajanje tehnološke i fekalne kanalizacije i ugradnja separatora)	46.398,80	30.06.2026.
1.1.	Pripremni radovi za ugradnju separatora masti i ulja	9.100,00	31.08.2024.
1.2.	Nabavka i ugradnja separatora masti i ulja	5.800,00	31.12.2024.
1.3.	Pripremni radovi na ugradnji novih revizionih okana i kanalizacionih cijevi	5.803,40	28.02.2025
1.4.	Izrada revizionih okana otpadnih voda	16.000,00	30.04.2025.
1.5.	Nabavka i ugradnja kanalizacionih cijevi	9.195,00	31.07.2025.
1.6.	Završni radovi na uređenju površina	500,40	30.06.2025.

- 3.3. Da se, u skladu sa dostavljenim dinamičkim planom ovjerenim i potpisanim od strane odgovornog lica podnosioca zahtjeva, a koji je sastavni dio ovog Rješenja, do 30.06.2026. godine završe radovi na izgradnji sistema za prikupljanje i tretman otpadnih voda i pusti u pogon anaerobni biološki uređaj za tretman otpadnih voda, a sve prema urađenoj investiciono-tehničkoj dokumentaciji „Glavni projekat – anaerobni biološki uređaj za tretman fekalnih i tehnoloških otpadnih voda za poslovni objekat klaonica sa pratećim sadržajima broj: 45-IB-G/19, juni 2019, urađen od «IBIS» d.o.o. Zavidovići”, kako slijedi:

R. broj	Naziv aktivnosti	Finansijska procjena za realizaciju aktivnosti (KM)	Rok za realizaciju aktivnosti
1	Pribavljanje svih potrebnih dozvola i saglasnosti za građenje postrojenja	300,00	31.07.2024.
2	Izgradnja prijemnog okna sa odvajanjem krutog otpada i kontejnerom krutog otpada	18.203,98	31.08.2024.
3	Izgradnja vanjskog taložnika za potrebe retenzije ispred koncentratora	28.377,88	30.09.2024.
4	Izgradnja koncentratora, prijemnog spremnika i ostale prateće opreme za koagulaciju, flokulaciju, prateći dovodi, odmuljenje, odvod prema oknu za prihvrat otpadnih voda i mulja u kontejner	365.362,86	31.12.2024
5	Izgradnja okna za prihvrat otpadnih voda	4.848,36	31.01.2025.
6	Izgradnja anaerobnog biološkog uređaja za prečišćavanje otpadnih voda	217.979,24	
6.1.	Pripremni radovi	2.475,00	31.01.2025.
6.2.	Zemljani radovi	33.212,80	28.02.2025.
6.3.	Betonski radovi	48.306,60	30.04.2025.
6.4.	Armirački radovi	14.515,64	30.04.2025.
6.5.	Zidarski radovi	23.369,70	31.07.2025.
6.6.	Bravarski radovi	8.900,00	31.08.2025.
6.7.	Oprema	64.000,00	31.10.2025.
6.8.	Završni radovi	23.200,00	31.12.2025.
7	Izgradnja izlaznog bloka sa hidrozatvaračem, prostorom za uređaj za povišenje pritiska i okno za monitoring	33.631,34	31.01.2026.
8	Izrada platoa ispred objekta i uređenje prostora	35.358,50	31.03.2026.
9	Izgradnja upravljačkog kontejnera sa opremom	12.550,00	30.04.2026.
10	Elektroinstalacije	16.177,50	30.04.2026.
11	Probni rad i puštanje u pogon uređaja		30.06.2026.

- 3.4. Da korisnik predmetnog objekta, za vrijeme trajanja ove dozvole, obezbjedi da se oborinske onečišćene vode nesmetano prikupljaju te odvođe na tretman u separator masti i ulja, nakon izgradnje istog.
- 3.5. Da korisnik predmetnog objekta, za vrijeme trajanja ove dozvole, obezbjedi da se tehnološke otpadne vode, te sanitarno-fekalne otpadne vode nesmetano prikupljaju te odvođe na tretman u anaerobni biološki uređaj, nakon izgradnje istog.

- 3.6. U skladu sa članom 26.a Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH”, broj: 26/20, 96/20 i 1/24) nosilac prava iz ove vodne dozvole dužan je izvještavati AVP Sava i Federalno ministarstvo okoliša i turizma o realizaciji planiranih aktivnosti u zadatim rokovima iz detaljnog dinamičkog plana, prvi put najkasnije do 31.12.2024. godine, a drugi put najkasnije do 30.06.2025. godine na obrascu iz Priloga B navedene Uredbe.
- 3.7. Da se praktikuje suho čišćenje radnih površina i opreme, prije pranja vodom, kako bi se smanjila količina otpadnih voda i teret zagađenja, a time i racionalno koristila voda.
- 3.8. Da se vrši potpuno odvajanje krvi prilikom iskrvavljenja sistemom odvojenog prikupljanja u namjenske, hermetički zatvorene posude, a trajnu dispoziciju riješiti prema uputama i u saradnji sa veterinarskom inspekcijom.
- 3.9. Osoka iz natkrivene lagune ne smije imati izveden preliv u okolno zemljište ili u teren.
- 3.10. Da se nastalo đubrivo i osoka iz objekta za prijem stoke do klanja, redovno sakupljaju u odgovarajućoj vodonepropusno izvedenoj laguni, a koja će se periodično prazniti u svrhu đubrenja poljoprivrednog zemljišta.
- 3.11. Da se spriječi nekontrolisano rasipanje tečnog i krutog otpada (osoka i đubrivo) po okolnom zemljištu te da se aplikacija đubriva na poljoprivredne površine vrši u skladu sa pravilima dobre poljoprivredne prakse, a u cilju zaštite podzemnih i površinskih voda.
- 3.12. Da se klionički otpad skladišti u zato namijenjene posude do odvoza i zbrinjavanja od strane komunalnog preduzeća JP «VODOKOM» d.o.o. Kakanj.
- 3.13. Da se objekti čija je svrha odvođenje i prečišćavanje onečišćenih voda (kanalizaciona mreža, postrojenje za tretman, pumpe) redovno održavaju i koriste na način koji će obezbijediti njihovu potpunu ispravnost i funkcionalnost tj. da se poduzmu sve neophodne mjere kako bi parametri kvaliteta efluenta bili u granicama propisanih vrijednosti definisanih u Prilogu 8. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
- 3.14. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 3. Uredbe o izmjenama i dopunama uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH”, broj: 1/24). Rezultate analiza dostaviti ovoj Agenciji.
- 3.15. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 3.16. Izdvojeni mulj, materijal iz iskopa, kao i ostali opasni i neopasni otpad, se ne smije ni privremeno odlagati na česticu „vodno dobro”, odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH”, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, Korisnik je dužan provoditi sve mjere i aktivnosti propisane istom.
6. U slučaju vanrednih situacija, havarijskih onečišćenja i drugih sličnih okolnosti čime bi bio ugrožen kvalitet voda obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.

9. Ukoliko prilikom upotrebe predmetnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
10. U ovoj upravnoj stvari plaćene su sve upravne takse.
11. Ova vodna dozvola, shodno članu 26. stav 1. Uredbe o uslovima ispuštanja otpadnih voda u okoliš i sisteme javne kanalizacije se daje sa rokom važenja 30.06.2026. godine.
12. Prije isteka važnosti ove dozvole, korisnik je dužan da podnese zahtjev za izdavanje nove vodne dozvole.
13. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice «BEŠLIĆ» d.o.o. Visoko, dana 15.12.2023. godine, podnijelo je zahtjev za izdavanje vodne dozvole za ispuštanje tehnoloških otpadnih voda u prirodni recipijent i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta klaonice sa pratećim sadržajima u naselju Perin Han, izgrađenog na zemljištu označenom kao k.č. 2285/4 i 2285/2 K.O. Klopče, grad Zenica.

Uz zahtjev nije dostavljena dokumentacija koja je propisana članom 12. i 19. stav (2) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22) te je dopisom broj: UP-1/21-3-40-573-2/23 od 25.12.2023. godine, zatražena dopuna dokumentacije neophodne za vođenje upravnog postupka od strane ove Agencije. Podnosilac zahtjeva je dopunio zahtjev u traženom roku.

U provedenom postupku dostavljena je i pregledana sljedeća dokumentacija:

- Ovjereni kopija Aktuelnog izvoda iz sudskog registra broj: 043-0-RegZ-22-001967 od 14.07.2022. godine izdatog od Općinskog suda u Zenici,
- Ovjereni kopija Uvjerjenja o poreznoj registraciji od 30.10.2002. izdata od Porezne uprave FBiH – Kantonalni ured Zenica,
- Dokaz o uplaćenju upravnoj taksi,
- Kopija Rješenja o ispunjavanju propisanih veterinarsko-zdravstvenih uvjeta za proizvodnju hrane životinjskog porijekla broj: UP-I-06-02-20/20-30-4/22 od 24.01.2022. godine izdatog od Federalnog ministarstva poljoprivrede, vodoprivrede i šumarstva,
- Kopija Rješenja o odobrenju za upotrebu broj: III-360-39/81 od 04.11.1981. godine izdatog od Opštinske komisije za urbanizam i komunalne poslove Opštine Zenica,
- Kopija Rješenja o okolišnoj dozvoli broj: UP-I/05/2-02-19-5-128/20 od 28.09.2021. godine izdatog od Federalnog ministarstva okoliša i turizma,
- Kopija Rješenja o vodnoj dozvoli broj: UP-I/25-3-40-641-7/18 od 07.05.2019. godine izdatog od «Agencije za vodno područje rijeke Save» Sarajevo,
- Ugovor o deponovanju animalnog otpada zaključen dana 03.08.2017. godine sa JP «VODOKOM» d.o.o. Kakanj,
- Kopija Izvještaja o monitoringu kvaliteta i kvantiteta otpadnih voda klaonice «BEŠLIĆ» Zenica broj: 1275/23, septembar 2023., urađen od «Inspekt-RGH» d.o.o. Sarajevo,
- Izvještaj o monitoringu kvaliteta i kvantiteta otpadnih voda klaonice «BEŠLIĆ» Zenica broj: 423/23, mart 2023., urađen od «Inspekt-RGH» d.o.o. Sarajevo (na uvid),
- Izvještaj o monitoringu kvaliteta i kvantiteta otpadnih voda klaonice «BEŠLIĆ» Zenica broj: 1264/22, septembar 2022., urađen od «Inspekt-RGH» d.o.o. Sarajevo (na uvid),
- Izvještaj o monitoringu kvaliteta i kvantiteta otpadnih voda klaonice «BEŠLIĆ» Zenica broj: 454/22, mart 2022., urađen od «Inspekt-RGH» d.o.o. Sarajevo (na uvid),
- Izvještaj o monitoringu kvaliteta i kvantiteta otpadnih voda klaonice «BEŠLIĆ» Zenica broj: 1358/21, septembar 2021., urađen od «Inspekt-RGH» d.o.o. Sarajevo (na uvid),
- Izvještaj o monitoringu kvaliteta i kvantiteta otpadnih voda klaonice «BEŠLIĆ» Zenica broj: 258/21, mart 2021., urađen od «Inspekt-RGH» d.o.o. Sarajevo (na uvid),
- Izvještaj o monitoringu kvaliteta i kvantiteta otpadnih voda klaonice «BEŠLIĆ» Zenica broj: 1136/20, septembar 2020., urađen od «Inspekt-RGH» d.o.o. Sarajevo (na uvid),
- Izvještaj o monitoringu kvaliteta i kvantiteta otpadnih voda klaonice «BEŠLIĆ» Zenica broj: 297/20, mart 2020., urađen od «Inspekt-RGH» d.o.o. Sarajevo (na uvid),
- Izvještaj o monitoringu kvaliteta i kvantiteta otpadnih voda klaonice «BEŠLIĆ» Zenica broj: 1190/19, septembar 2019., urađen od «Inspekt-RGH» d.o.o. Sarajevo (na uvid),

- Glavni projekat – vanjske hidroinstalacije za izvedeno stanje sa dopunom broj: 46-IB-G/19, juni 2019, urađen od «IBIS» d.o.o. Zavidovići (na uvid),
- Konačni izvještaj o reviziji projektne dokumentacije broj: I-150-08/19, avgust 2019., urađen od «ATRIUS PROJEKT» d.o.o. Živinice (na uvid),
- Glavni projekat – anaerobni biološki uređaj za tretman fekalnih i tehnoloških otpadnih voda za poslovni objekat klaonica sa pratećim sadržajima broj: 45-IB-G/19, juni 2019, urađen od «IBIS» d.o.o. Zavidovići (na uvid),
- Konačni izvještaj o reviziji projektne dokumentacije broj: I-151-09/19, septembar 2019., urađen od «ATRIUS PROJEKT» d.o.o. Živinice (na uvid),
- Operativni plan mjera u slučaju vanrednih i incidentnih zagađenja, april 2021. godine (na uvid).

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata, izvršen je obilazak predmetnog objekta i tom prilikom je sačinjen Zapisnik o uviđaju broj: UP-1/21-3-40-573-5/23 od 28.02.2024. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Predmetna klaonica sa pratećim sadržajima je izgrađena u naselju Perin Han, grad Zenica. Objekat se sastoji od depoa za prihvatanje stoke sa dubrišnom jamom, objekta za klanje sa svim potrebnim sadržajima, rashladne komore sa rampom za istovar, kotlovnica sa kompresorskom stanicom, upravne zgrade i saobraćajne i radno-manipulativne površine. Kapacitet klaonice je 75 goveda ili ovaca dnevno. Trenutno se zakolje cca 1200 grla/god.
- U objektu klaonice sa hladnjačama instalirana je savremena specijalizirana oprema namijenjena isključivo za upotrebu u klaonicama. Na mjestima predviđenim za klanje stoke predviđena su korita za iskrvarenje sa sistemom za prikupljanje krvi i odvodom u inoksnu cisternu za krv. Instalirane su linije za prikupljanje svih vrsta otpada (iz rasjekaone, crijevnog otpada, otpada iz predželudca, kože, papaka i rogova i sl.) koji se automatski odlažu u namjenske kontejnere.
- U sklopu kompleksa izgrađen je mješoviti sistem kanalizacije.
- Sanitarno-fekalne i tehnološke vode od pranja prostorija i opreme, prikupljaju se zasebnim sistemom kanalizacije i odvođe da bivšeg postrojenja za tretman voda sa prelivom u rijeku Bosnu. Postrojenje za tretman otpadnih voda je locirano izvan predmetnog kompleksa, uz rijeku Bosnu, na parceli označenoj kao k.č. 2391 K.O. Klopče, općina Zenica. Postrojenje je devastirano i duži period nije u funkciji, te se sanitarno fekalne i tehnološke vode bez prethodnog tretmana ispuštaju u rijeku Bosnu.
- Oborinske vode sa saobraćajnih i radno-manipulativnih površina, prikupljaju se oborinskom kanalizacijom sa krajnjim ispustom u Klopčki potok.
- Za snabdijevanje vodom koristi se voda iz gradskog vodovoda.
- Klaonički konfiskat se prikuplja u odgovarajuće posude i odvozi od strane JP «VODOKOM» d.o.o. Kakanj. Kože se skladište u odgovarajućim posudama i prodaju trećim licima.
- Dubrivo iz depoa za prihvatanje stoke se prikuplja u dubrišnu jamu.
- Na uvid su dati Izvještaji o monitoringu kvaliteta i kvantiteta otpadnih voda klaonice «BEŠLIĆ» Visoko za period 2019.-2023. godina. Ispitivani parametri zadovoljavaju granične vrijednosti emisije utvrđene Uredbom o uslovima ispuštanja otpadnih voda u prirodne recipijente i sisteme javne kanalizacije, izuzev za izvještaj iz septembra 2019. godine. Za period od 2019. do 2023. utvrđena su prekoračenja nekih od ispitivanih parametara (BPK5, ukupni organski ugljik, ukupni azot). Utvrđena odstupanja su manja od 50% od referentnih vrijednosti.
- Za predmetni objekat je ranije od ove Agencije ishodovano Rješenje o vodnoj dozvoli broj: UP-I/25-3-40-641-7/18 od 07.05.2019. godine sa rokom važenja do 19.12.2023. godine.
 - o Uslov naveden u tački 2.1 naprijed navedenog Rješenja je ispunjen, odnosno urađena i revidovana projektna dokumentacija koja se odnosi na prikupljanje, tretman i ispuštanje svih otpadnih voda predmetnog kompleksa.
 - o Uslov naveden u tački 2.2. naprijed navedenog Rješenja nije ispunjen, odnosno nisu izvedeni radovi na izgradnji sistema za prikupljanje i tretman otpadnih voda i puštanje u pogon postrojenja za tretman otpadnih voda.

Na osnovu dostavljene projektne dokumentacije utvrđeno je sljedeće:

- Dostavljenom projektnom dokumentacijom je obrađeno prikupljanje, tretman i ispuštanje svih otpadnih voda predmetnog kompleksa.
- Urađena su dva projekta. Jednim je obrađen anaerobni uređaj, dok je drugim obrađeno prikupljanje oborinskih onečišćenih voda sa saobraćajnih i radno-manipulativnih površina, razdvajanje fekalne i tehnološke kanalizacije od oborinske kanalizacije, te ugradnja revizionih okana i kanizacionih cijevi.
- Za tretman tehnoloških i sanitarnih otpadnih voda predviđeno je postrojenje za tretman otpadnih voda.

- Za tretman oborinskih onečišćenih voda sa platoa predviđena je ugradnja tipskog separatora masti i ulja.

Od ponosioca zahtjeva je u skladu sa Uredbom o izmjenama i dopunama Uredbe o uslovima ispuštanja otpadnih voda u okoliš i sisteme javne kanalizacije («Sl. novine Federacije BiH», broj: 1/24), dopisom broj: UP-1/21-3-40-573-6/23 od 05.03.2024. godine zatraženo da dostavi detaljan dinamički plan ulaganja za realizaciju radova na ispunjenju tačke 2.2. Rješenja o vodnoj dozvoli broj: UP-I/25-3-40-641-7/18 od 07.05.2019. Podnosioc zahtjeva je dana 16.04.2024. i 08.05.2024. putem mail-a, te dana 17.04.2024. i 10.05.2024. godine lično dostavio tražene dinamičke planove sa spiskom aktivnosti i mjera sa finansijskom procjenom za ulaganje, te rokove u kojima će pravni subjekt realizirati pojedine aktivnosti. Dostavljeni dokumenti, koji su sastavni dio spisa, su poslužili za definiranje uslova iz tačke 3.2. i 3.3. ovog rješenja.

Na osnovu uvida u dostavljene dinamičke planove utvrđeno je sljedeće:

- Krajnji rok za realizaciju svih radova predviđenih dostavljenom projektnom dokumentacijom (Glavni projekat – vanjske hidroinstalacije za izvedeno stanje sa dopunom broj: 46-IB-G/19, juni 2019, urađen od «IBIS» d.o.o. Zavidovići i Glavni projekat – anaerobni biološki uređaj za tretman fekalnih i tehnoloških otpadnih voda za poslovni objekat klaonica sa pratećim sadržajima broj: 45-IB-G/19, juni 2019, urađen od «IBIS» d.o.o. Zavidovići) je 30.06.2026. godine.
- Rokovi za realizaciju pojedinih aktivnosti iz dostavljenog dinamičkog plana koji je sastavni dio ovog rješenja su navedeni u tački 3.2. i 3.3. dispozitiva.

Razmatrajući podneseni zahtjev, a na osnovu dostavljene dokumentacije i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom, u tački 3. dispozitiva ovog Rješenja, propisani uslovi u skladu sa članom 115. do člana 118. Zakona o vodama („Službene novine Federacije BiH“, broj 70/06) i članom 12. i 13. Pravilnika o sadržaju, obliku, uslovima, načinu izdavanja i čuvanja vodnih akata.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je pravno lice «BEŠLIĆ» d.o.o. Visoko ispunilo minimum uslova za izdavanje vodne dozvole za ispuštanje tehnoloških otpadnih voda u prirodni recipijent i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta klaonice sa pratećim sadržajima u naselju Perin Han, grad Zenica, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije, broj: UP-1/21-3-40-572-4/23 od 19.01.2024.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta: Sanja Miličić, građ.ing.



Po ovlaštenju:

Rukovodilac sektora za izdavanje vodnih akata

Hariš Ališehović, dipl.inž.građ.

Dostaviti:

- «BEŠLIĆ» d.o.o., Seoča bb, 71300 Visoko
- AVP Sava, ISV-vodna knjiga
- sektor 50
- ☞ sektor 40 – arhiva
- oglasna ploča – AVP Sava